



# DEN NORSKE KYRKJA

Ulstein sokneråd - Ulstein kyrkjelege fellesråd

## Møteprotokoll for Ulstein sokneråd - Ulstein kyrkjelege fellesråd

**Tid:** 10.05.2023 kl. 19:00

**Stad:** Kyrjekontoret

---

### Frammøtte:

Odd Arne Vikebakk	Leiar
Annelise Kleven Godø	Nestleiar
Cecilie Frantsen Skeide	Medlem
Karianne Sveen Orvik	Medlem
Bodil Muren Voldsund	Medlem
Karete Malen Nettet Melø	Medlem
Lidbjørn Vattøy	Medlem
Margit Lovise Holte	geistleg representant
Knut Erik Engh	kommunal representant
Åsmund Lunde	3. vara
Christfried Kaul	sekretær

---

### Forfall:

Hannelore Måseide	Medlem
André Sæter	1. vara

---

### Saker handsama på møtet:

Saksnr	Uoff	Tittel	Arkivkode
F-2023/12		Rekneskap 2022	133.0
F-2023/13	uoff§25	Diakonstilling I Ulstein sokn	211.00
F-2023/14		Ombygging av kontorlokale	031.0
S-2023/15		Lydanlegg i Ulstein kyrkje - rutiner og fornying	411.0
F-2023/16		Møteplan hausten 2023	002.3
S-2023/17		Bestilling av stolar passande til kyrkjetekstilane i Ulstein kyrkje	413.0
S-2023/18		Kyrkjeval 2023 - førebuing førehandsrøysting	002.31
S-2023/19		Finansiering av ungdomsarbeidarstilling i Ulstein kyrkje	361.0
F-2023/20		Osnes kyrkjegard - plassering av Sanitærbygg utanfor kyrkjegårdsmuren	511.0

## Godkjenningar:

<b>Innkallinga:</b>	godkjent
<b>Referat siste møte:</b>	godkjent
<b>Sakliste:</b>	Ta inn sak om sanitærbygg som ikkje var sendt ut saklista godkjent

## Meldingar:

### **S006 Evaluering årsmøtet**

AU ønsker at soknerådet tek ei kort evaluering av årsmøtet med følgjande spørsmål:

- Kva kan vi gjere til å få betre oppslutnad rundt?
- Korleis kan vi legg opp årsmøtet for å auke engasjementet?
- Kan møtetidspunkt, lokale eller eit hovudtema vere faktorarsom spelar inn?

Innspel til å arrangere årsmøtet framover:

- Program for barn slik at yngre / foreldre kan vere med
- Ein kunne prøve å ta årsmøtet på ein torsdagskveld
- Ein kunne prøve å arrangere årsmøtet i samband med ein medarbeidarfest
- Ein kan finne eit spanande tema som engasjerer med utgangspunkt i årsmeldinga
- Bruke nokre live innslag frå eit arbeid vi driv med (t.d. kor)
- Det er også å halde fast ved at det var eit innsperande årsmøte med godt program

Årsmelding til soknet skal presenterast for kommunestyret i junimøte

### **S007 Interkommunal kystsoneplan**

Ulstein sokneråd har fått brev epost frå bispedømekontoret om vi har nokre innspel vi ønskjer å gi til biskopen som er høyringsinstans for interkommunal kystsoneplan for Ytre Søre Sunnmøre.

Kyrkjeverja har teke kontakt med Oda Jonette Røyset som er ein av dei som har utarbeidd planen. Ulstein gamle kyrkjestad kan vere berørte av tiltak i kystsonen og ein kan gi nokre innspel ut frå det. Kyrkjeverja har avtalt møte med Oda Jonette Røyset og Cecilie Roppen for å blir meir orienterte om saka og eventuelt kunne gi nokre innspel til biskopen si høyring ut frå Ulstein sokn sin eigedom i kystsonen.

### **F008 Orientering om arbeid med Ulstein nye kyrkje**

- Investeringstiltak er sendt til administrasjon
- Målet er at Ulstein nye kyrkje blir forankra i langtidsplanen som eit framlegg frå administrasjonen
- Det jobbast også med å få det politiske systemet til å sette det på agendaen.
- Påverknadsrunden må skje før handsaming av 10års- planen i junimøte
- Synfaring med tanke på universal utforming er bestilt

### **F009 Orientering om framgang i saken med nytt areal til gravplass**

Ordføraren orienterte om stoda i saka med å finne areal til ny gravplass. Det er framleis avklaringar mellom grunneigarane til Oshaugflata og Fylkesmannen som gjenstår med tanke på deira ønske om å bruke arealet til boligbygging. Det er venta at kommunestyret handsamer sak om ny gravplass i sitt møte i september

---

## F-SAK 2023/12 Rekneskap 2022

### UTGREIING

#### Vedlegg:

*Driftsrekneskap*

*Investeringsrekneskap*

*Balanser*

*Revisorberetning*

Rekneskapen for 2022 viser at vi måtte bruke kr. 140.353 frå disposisjonsfondet for å gå i null. Det var i tråd med vedtatt budsjett for 2022. Etter eit meirforbruk også i 2021 er disposisjonsfondet dermed redusert kraftig.

Det blei utført vedlikehaldsarbeid på Ulstein kyrkje på kr. 172.000 som er eit godt stykke utanfor ramma av det som ligg i tildelinga for driftsbudsjett til Ulstein kyrkje. Så mykje av denne bruken av disposisjonsfondet har samanhengen med dette. Med den gode oppslutninga Ulstein sokn har om arbeidet sitt, og auka priser på varer og tenester er det krevjande å drive både administrasjon, gravplass og kyrkjebygg. I løpet av 2023 skal rammeavtalen og tenesteytingsavtalen med Ulstein kommune reforhandlast. Med 2 reknskapsår på rad der disposisjonsfondet har blitt kraftig redusert er det vesentleg å ha gode rammer for soknet sitt arbeid. I henhold til budsjettet blei det også brukt kr. 64.698 for finansiering av ungdomsarbeidarstillinga. Fondet for ungdomsarbeidarstillinga er no oppbrukt og soknet treng ei fornying av gjevartenesta for denne viktige stillinga for å kunne halde fram med den. Det er gledeleg å sjå at gåver, kollekt og innsamlingar er på veg tilbake til eit nivå nesten slik det var før Corona-pandemien. Det vitnar om eit stort engasjement i soknet at det blei samla inn til saman nesten 1,2 MNOK for å støtte misjonsarbeid, formål for eiga og eksternt arbeid og for bygging av ei ny kyrkje.

### FRAMLEGG TIL VEDTAK

Ulstein kyrkjelege fellesråd godkjenner rekneskapen for 2022

Ulstein kyrkjelege fellesråd vedtek bruk av disposisjonsfond med kr.

330.303 til dekning av meirforbruk Ulstein kyrkjelege fellesråd hadde i 2021

Ulstein kyrkjelege fellesråd vedtek bruk av disposisjonsfond med kr. 25.372 til pålagt investering i KLP- fond.

### HANDSAMING

Rekneskapen i 2022 vitner om at det er behov for å styrke Ulstein kyrkjelege fellesråd og Ulstein sokn sin økonomi for å kunne drive i samsvar med oppgåvene soknet er satt til å utføre. Særleg vedlikehald og fornying av både kyrkjebygg, kontorlokale, gravplassen og utstyr på kyrkjegarden treng større ramme. Det er viktig å avklare for framtida kva som kan bli tilført gjennom investeringsmidlar og kva som kan bli tilført gjennom auka driftsramme.

### VEDTAK

Ulstein kyrkjelege fellesråd godkjenner rekneskapen for 2022

Ulstein kyrkjelege fellesråd vedtek bruk av disposisjonsfond med kr. 330.303 til dekning av meirforbruk Ulstein kyrkjelege fellesråd hadde i 2021

Ulstein kyrkjelege fellesråd vedtek bruk av disposisjonsfond med kr. 140.353 til dekning av meirforbruk Ulstein kyrkjelege fellesråd hadde i 2022

Ulstein kyrkjelege fellesråd vedtek bruk av disposisjonsfond med kr. 25.372 til pålagt investering i KLP- fond.

---

## **F-SAK 2023/14 Ombygging av kontorlokale**

### **UTGREIING**

Ulstein kyrkjekontoret treng ein del endringar for å gi betre arbeidsvilkår. Særleg arbeidsplassen til sekretæren er utsett for ein del støy og trafikk i gangene. Sekretæren treng å kunne jobbe skjerma i periodar for å utføre oppgåver som treng konsentrasjon og arbeidsro.

Kontora til kateket og kyrkjelydspedagog, som jobbar mykje saman, ligg langt frå kvarandre.

Kontorene til sokneprest, kapellan og diakon, som har ofte samtaler, kan med fordel bli samla på ein fløy.

Stab / administrasjon ænsker at resepsjonen og ein kontorplass skal flyttast inn der trusopplæringskontoret er i dag, slik at resepsjonen kan få ei luke som også kan lukkast. Dette vil løfte inngangs- og fellesareal som eit vente- og mingleområde. Det må kjøpast og installerast nokre skiljevegga. Nokre golv treng å bli skifta, veggjer bli malte. Det trengst også at nokre kontormøbler og oppbevaringsløyser blir kjøpt.

Nokre få av kostnadene kan bli betalt gjennom det vanlege driftstilskotet soknet får til administrasjonen, men ei slik ombygging vil koste meir enn det. Ulstein sokn har framleis kr. 53.500 på fond til investering på kontorlokale.

### **FRAMLEGG TIL VEDTAK**

Ulstein kyrkjelege fellesråd vedtek bruken av inntil kr. 53.500 i 2023 frå investeringsfond til kyrkjekontoret.

### **HANDSAMING**

Det er ei viktig investering for arbeidsmiljø, for å følgje HMS- retningslinjer. Kontorfasilitetane er krevjande å forholde seg til, det er mangel på universell utforming, dårlig lydisolering, dårlig luftkvalitet.

Det er flott at staben gjer mykje på dugnad, men ein skulle heller hatt råd til å gi oppdrag til handverkarar og bruke arbeidskrafta vår på dei kyrkjelege oppgåvene vi er satt til å utføre.

### **VEDTAK**

Ulstein kyrkjelege fellesråd vedtek bruken av inntil kr. 53.500 i 2023 frå investeringsfond til kyrkjekontoret.

---

## S-SAK 2023/15 Lydanlegg i Ulstein kyrkje - rutiner og fornying

### UTGREIING

Vedlegg: innhenta tilbod kabel og komponenter som treng fornying.

<https://yamahiko.info/item/150/>

<https://evenstadmusikk.no/dpa/1113182/dpa-d-vote-core-4099-clip-mic-for-violin-loud-spl>

Når Ulstein sokn skal ha nokre gudstenester sendt via NRK frå hausten av er vi avhengig av å skape eit godt lydbilde i kyrkjerommet. Sjølv om NRK lager sin egen lydmiiks, kjem dei også til å bruke deler av den lyden vi har i kyrkjerommet på sending. Da må lydanlegget fungere betre enn det gjer det i dag. Kyrkjeverja har bedt Andreas Halle om å sjå på lydanlegget i Ulstein kyrkje både med tanke på standard innstillingar og sjekk av komponenter. Det er ein del komponenter som treng å bli fornya for å unngå lydproblem. På sikt bør også miksepulten byttast ut. Ny miksepult er ei sak kommunen bør involverast i gjennom investeringstiltak. Vi bør sikte oss inn i investeringsbudsjett i 2025. Når ein treng å satse på ein ny miksepult frå 2025 av er det vesentleg å få kommunale investeringsmidlar til å kunne kome i mål med ei naudsynt fornying. God lyd er også ein viktig del av å gjere kyrkjebygg betre universelt utforma.

Dette er foreslått å få gjort før hausten 202:

- Kjøpe instrumentmikrofon til akustiske strengeinstrument (fele, gitar) kr. 6.466
- Kjøpe instrumentmikrofon til fast installasjon på konsertpiano ca. 15.000
- Kjøpe mikrofon til å hente lyden frå kyrkjeklokke, ca. kr. 1.000
- Nye DI- bokser og kabel (pristilbod vedlegg) kr. 20.049,56
- Legge ein ny multikabel for å gi betre tilhøve for å koble mikrofoner til miksepulten. Dette vil kunne brukast også til ein ny miksepult og er dermed ein investering som hjelper på lang sikt. (vedlegg) kr. 17 847,10 Her bør ein kjøpe også ein rack til å montere komponentene i. Ca. kr. 10.000

Det er altså behov for ei investering på ca. kr. 70.000

Det står kr. 260.000 på fond til nytt lydanlegg.

I høve lydbildet på våre samlingar er også lyden på Fredheim til tider krevjande og personer med høyreapparat har etterlyst teleslynge.

### FRAMLEGG TIL VEDTAK

Ulstein sokn vedtek å bruke inntil kr. 70.000 frå fond til fornying av lydanlegg for å oppgradere lydanlegget i Ulstein kyrkje.

Ulstein sokn ber Ulstein KFUK-KFUM å undersøkje om dei kan installere teleslynge i salen oppe på Fredheim.

### VEDTAK

Ulstein sokn vedtek å bruke inntil kr. 70.000 frå fond til fornying av lydanlegg for å oppgradere lydanlegget i Ulstein kyrkje.

Ulstein sokn ber Ulstein KFUK-KFUM å undersøkje om dei kan reaktivere / nyinstallere teleslynge i salen oppe på Fredheim.

## **F-SAK 2023/16 Møteplan hausten 2023**

### **UTGREIING**

Arbeidsutvalet foreslår følgjande møtedatoar for Ulstein sokneråd / Ulstein kyrkjelege fellesråd for hausten 2023:

23. august

27. september

08. november (felles møte med det nyvalde soknerådet)

06. desember (for det nye soknerådet / fellesrådet)

AU foreslår også ei sosial avslutningssamling 18. oktober for det avtroppande sokenrådet

Det er kyrkjeval 10. september, der soknerådet fungerer som valstyret.

### **FRAMLEGG TIL VEDTAK**

Ulstein sokneråd / Ulstein kyrkjelege fellesråd vedtek følgjande møteplan for hausten 2023:

23. august

27. september

18. oktober (ei sosial avslutningssamling for det avtroppande soknerådet)

08. november (felles møte med det nyvalde soknerådet)

06. desember (for det nye soknerådet / fellesrådet)

### **VEDTAK**

Ulstein sokneråd / Ulstein kyrkjelege fellesråd vedtek følgjande møteplan for hausten 2023:

23. august

27. september

18. oktober (ei sosial avslutningssamling for det avtroppande soknerådet)

08. november (felles møte med det nyvalde soknerådet)

06. desember (for det nye soknerådet / fellesrådet)

## **S-SAK 2023/17 Bestilling av stolar passande til kyrkjetekstilane i Ulstein kyrkje**

### **UTGREIING**

Vedlegg:

Skisse og omtale forslag nye stolar i kvit og lilla  
bilde av dei gamle stolaene  
Særutskrift vedtak S-2023/3

Etter soknerådsvedtak i sak S-2023/3 fekk Laila Endresen oppdrag med å utarbeide eit forslag på kvit og lilla stolar til liturgiske klede i Ulstein kyrkje. Fargeval, utforming og symbolikken korresponderer med interiøret / utsmykking i Ulstein kyrkje. På skissen er det ikkje synleg at det også skal vere eit gresk kors i nakkedelen av stolaen. På lilla stolar vil den vere utført i sølv og på kvit stolar i gul. Forslaget skal handsamast og godkjennast av soknerådet før soknepresten sender det vidare tenesteveg til biskopen for godkjenning.

### **FRAMLEGG TIL VEDTAK**

Soknerådet godkjenner forslaget og ber soknepresten om å sende det vidare til biskopen til godkjenning.

### **HANDSAMING**

Utkastet er i samsvar med motiv, farger og utforming av messehakler. Litt usikker om drueklasen er den symbolikken vi ønskjer, sommerfugelen ville kanskje vere eit motiv med ei sterkare symbolikk.

### **VEDTAK**

Soknerådet godkjenner forslaget og ber soknepresten om å sende det vidare til biskopen til godkjenning. Vi spør kunstneren om sommerfuglen kunne blitt erstatta med symbolet for drueklasen

---

## **S-SAK 2023/18 Kyrkjeval 2023 - førebuing førehandsrøysting**

### **UTGREIING**

Vedlegg / dokument å lese for alle soknerådsmedlemar:

[https://ressursbanken.kirken.no/globalassets/kirken.no/om-kirken/slik-styres-kirken/kirkevalget/2023/dokumenter/kurs\\_lokal%20valgjenomf%C3%B8ring\\_nynorsk.pptx](https://ressursbanken.kirken.no/globalassets/kirken.no/om-kirken/slik-styres-kirken/kirkevalget/2023/dokumenter/kurs_lokal%20valgjenomf%C3%B8ring_nynorsk.pptx)

<https://valgmedarbeiderportalen.valg.no/media/zfel2jwm/veileder-skjema.pdf>

Det er soknerådet som er valstyret og har ansvar for førebuing og gjennomføring av val.

Nytt er digital førehandsrøysting og faste nasjonale tidspunkt for fysisk førehandsrøysting.

Tidsplan førehandsrøysting (digitalt og fysisk):

Kvart sokn skal legge info i valmodulen i medlemsregisteret så fort som mogleg og seinast innan 1. juni:

- Tid og stad for førehandsstemming
- Tid og stad på valdagen/valdagane for kvar stemmekrets
- Vallister og informasjon om kandidatar
- Eventuelle supplerte kandidatar
- Førehandsrøystingsperioden: 10.08. – 06/08.09.
- Ein nasjonal felles dag / felles tidspunkt: 31.08. kl. 15:00 – 20:00 (torsdag)
- Ei eller fleire valte gudsteneste i førehandsrøystingsperioden: forslag: 20.08. (opningsgudsteneste)
- På institusjon (torsdag 31.08. i samband med andakt)?
- På kyrkjekontoret / kyrkje på senteret 2 timer i veka? (Onsdag 15:00 – 17:00?)
- Eit arrangement for ungdom: (øving til samtalegudsteneste? Drypp? Ten Sing-øving? KRIK? Roversamling?)

For å handtere oppgåva for kyrkjeval foreslår administrasjonen at det blir satt ned ei arbeidsgruppe med medlemar frå valstyret og kyrkjeverja. Arbeidsgruppa førebur valstyret til oppgåva i samband med val.

### **FRAMLEGG TIL VEDTAK**

Saka blei lagt fram utan framlegg til vedtak

### **HANDSAMING**

For å oppnå høg oppslutnad i kyrkjevalet treng vi å velje gode møtepunkt til førehandsrøysting og reklamere godt for det.

Bodil Voldsund og Annelise Kleven Godø er føreslegne til å vere arbeidsgruppa saman med kyrkjeverja.



## **VEDTAK**

Valstyret for kyrkjevalet i Ulstein sokn oppnemner ei arbeidsgruppe med Bodil Voldsund, Annelise Kleven Godø og kyrkjevevjerje Christfried Kaul til å koordinere oppgåvene. Valstyret ber arbeidsgruppa om å lage ein god plan på førehandsrøysting med utgangspunkt i saksutgreiinga.

---

## **F-SAK 2023/19 Finansiering av ungdomsarbeidarstilling i Ulstein kyrkje**

### **UTGREIING**

Ulstein sokn har målbevist og med stor suksess satsa på ungdomsarbeid i mange år. Del av denne satsinga er at vi har hatt ein ungdomsarbeidar tilsett i 20% for å jobbe med Ten Sing, leiartrening, ungdomsgudstenester og å skape generelt eit godt ungdomsmiljø. Å kunne ha ein ungdomsarbeidar vil vere ei viktig satsing for å kunne drive godt ungdoms- og konfirmantarbeid framover.

Finansiering av denne stillinga er basert på kollekt og gjevarteneste, men dette dekker kunn ca. 25% av kostnadene. For å kunne halde fram med denne stillinga treng soknet å sikre finansieringa.

### **FRAMLEGG TIL VEDTAK**

Saka blir lagt fram utran framlegg til vedtak

### **HANDSAMING**

Det kan også vere ei løysing å bruke pengar på ein eller fleire eldre ungdom som har eit engasjement. Det kan vere litt rimelegare enn ein fast vaksen tilsett og samstundes gi ungdomar verdifull arbeidserfaring i kyrkje. Men det er eit stort ansvar å jobbe me ungdom og det er viktig å ha nokon som kan ta ansvaret for det.

Ulstein KFUK-KFUM som TenSing- arbeid ligg under bør utfordrast til å vere med på finansiering av stillinga.

Vi treng å basere det på eit gjevarteneste og den må utvidast.

Forslag om oppretting av ei felles arbeidsgruppe mellom KFUK-KFUM og soknet

Forslag om å bruke Spleis som innsamlingsaksjon

Viktigast for å lykkes er ein god kommunikasjon av anliggende

### **VEDTAK**

Ulstein sokneråd held fast ved at vi treng å ha ei ungdomsarbeidarstilling ogspå i framtida.

Ulstein sokneråd ber administrasjonen om å ta kontakt med Ulstein KFUK-KFUM for å opprette ei arbeidsgruppe som kan finne gode finansieringsløysingar.

Ulstein sokneråd vile utfordre samarbeidspartnarar om å delta i finansieringa.

---

## **F-SAK 2023/20 Osnes kyrkjegard - plassering av Sanitærbygg utanfor kyrkjegårdsmuren**

### **UTGREIING**

#### **Vedlegg:**

*epost med forslag til å setje opp sanitærbygg på Ulstein sokn sin eigendom*

Ordføraren har vendt seg til soknet som grunneigar med eit forslag om at kommunen får setje opp eit mellombels sanitærbygg på Ulstein sokn sin eigendom ved Osnes kyrkjegard.

Ønske om eit godt fungerande sanitærbygg i tilknytning fritids- og rekreasjonsområde Osnessanden har vore der lenge frå Ulstein kommune si side, men også frå Ulstein sokn si side. Eit sanitærbygg vil avlaste det utdaterte toalettet i klokkehuset på kyrkjegarden og skjerme kyrkjegarden for publikumstrafikk relatert til fritidsaktivitetar.

Lokalisering som ordføraren foreslår vil også vere eit godt alternativ for brukarane til kyrkjegarden. Ulstein sokn ønsker særskilt velkomen at toalettet vil vere universelt utforma.

Oppsetting av eit sanitærbygg på Ulstein sokn føresett at kommunen tek alle kostnader for tilknytning av toalettet til vatn- og avløpssystemet. Kyrkjeverja ønskjer å vise i denne samanhengen til problem med avløp av overflatevatn ved større nedbørsmengder og ved snøsmeltinga ved porten til kyrkjegarden og ber om ei vurdering om dette også kunne bli fiksa ved dette høvet.

### **FRAMLEGG TIL VEDTAK**

Ulstein kyrkjelege fellesråd / Ulstein sokneråd ønsker initiativet for å setje opp eit sanitærbygg nær inngangen til Osnes kyrkjegard velkomen og stiller sin grunn til disposisjon for dette jmf. skissert plassering. Ulstein kyrkjelege fellesråd føresett at Ulstein kommune betaler alle kostnader for oppsetting og drift av sanitærbygget.

### **HANDSAMING**

Ein treng å sjå nærare på sjølve utforminga av toalettet. Den bør vere slik at den korresponderer med utsjånad til omgjevnadene og kyrkjegarden.

Ein treng å undersøkje om det er nokre nokre føringer og forskrifter ein kan kome i konflikt med.

### **VEDTAK**

Ulstein kyrkjelege fellesråd / Ulstein sokneråd ønsker initiativet for å setje opp eit sanitærbygg nær inngangen til Osnes kyrkjegard velkomen og stiller sin grunn til disposisjon for dette jmf. skissert plassering. Ulstein kyrkjelege fellesråd føresett at Ulstein kommune betaler alle kostnader for oppsetting og drift av sanitærbygget.

Administrasjonen skal rådføre seg med KA om det er fleire omsyn å ta med tanke på plassering og utforming tett opp mot kyrkjegarden.

Byggemelding skal leggast fram for soknet for godkjenning.